

漳平縣志

民國二十四年

漳平縣志

古越年錄題



續刊漳平縣志叙

周禮夏官有職方氏，隋有職方侍郎，唐有職方郎中，明清兩朝，有職方清吏司，民國肇造，設職方司於內務部；蓋數千年來所以如此重視疆域者！誠以有土地而後有人民，而後國家始稱爲完整；而各方文化生產，又爲精神物質兩方面所寄托焉。縣之有志，積爲國家總和；俾有司裒集參考，瞭如指掌；關係之鉅，更爲何如！況

先總理孫公規定縣爲自治單位，所訂地方自治實行法：舉凡清戶口，立機關，定地價，修道路，墾荒地，設學校，之六大綱要；尤在在於縣志關係密切！贊平迭宰上杭平和等縣，所至輒先覩縣志，固見有賅括完備者，亦有必待整理者，邇來承乏是邦，瀏覽及此；自曾廓齋先生提倡於先，查陳蔡諸令遞次踵事，並賴地方

漳平縣志

卷首

序

一

福州許進記印刷所承印

往哲前賢，悉心襄助，分門別類，綱目燦然，不禁爲之神往！惟是自道光庚寅續修，迄今將及百年；關於名勝之損益，戶口之蕃衍，風俗之改進，人文之蔚起，及最近之縣府改建層樓，學校之次第推廣，交通之修築公路，又皆有重修之必要，第下車伊始，興革百端，姑先就原志刊印數百部以廣流傳；殆亦保存文獻之意義！如將來時若我與，當與各界領袖，謀所以償夙願也！儻亦我父老兄弟所樂聞乎！時中華民國廿四年五月漳平縣長永定翁贊平謹叙

序

舊志刻於嘉靖戊申續志刻於康熙乙丑嗣是無有徵文考獻起而任其事者非邑中士大夫繼述無人抑宰是邑者莫爲之倡也距今百四十有六年矣先是曾廓齋先生草創於前得朱君召因而輯之始能付梓泐水查君重修於後得淮陰楊君踵而梓之始成完書蓋自萬歷丙午舊板回祿直指陵公謀修通志僅以續增抄本應檄迨查君於瘡痍甫定以修志爲己責時康熙癸亥上距嘉靖戊申其爲年亦百二十有六豈顧有數焉然當其任者知及時修舉耳敢云數乎哉予前任平和適大憲修通志檄縣採訪未報命旋量移是邑甫下車日擊書院頽壞城垣傾圮怦然心動亟思所以修廢舉墜者計百四十有六年文獻攸闕事必自修縣志始譬之祭川先河而後海也廣文斗東林君錢治彭君適與予有同志且以案牘無徵集紳士旁蒐博採不辭勞勩往復討論越數月書成夫志中所

漳平縣志

卷首

序

二

福州許進記印刷所承印

載政典莫要於振儒術衛民居書院城垣亦由是次第舉矣乎道光庚寅四月知漳平縣事玉山蔡世鉞謹序

舊序

廣東湛若水甘泉

漳平舊無志志自曾廓齋始也廓齋曰漳平設縣七十八年矣縣志朱簿倡之而檀也成之然未有文以振其風者惟漳人士以檀遊於先生之門下多慕先生之德教者今檀也疏乞歸養與諸鄉里同志者共學焉若惠賜教言於縣志之首庶漳平之人士因志而觀文因文以入道將飲德沐浴於無窮矣則斯志也豈徒志哉甘泉翁曰吾年多於設縣之前矣尙能序志乎哉姑援筆力疾與廓齋商之夫志也者志也志志也以起志也漳平之志有十二倫焉有分野焉有疆域焉有山川焉有秩官焉有風俗焉有物產焉有戶賦焉有學校焉有舉用焉有武備焉有人物焉有外志焉將使後之人讀分野志則志敬天之心起矣讀疆域志則志民社之心起矣讀山川志則志律水土之心起矣讀秩官志則志思報稱之心起矣讀

漳平縣志

卷首

舊序

三

福州許進記印廟所承印

風俗志則志存化理之心起矣讀物產志則志若於上下草木之心起矣讀戶賦志則志損上益下以悅民之心起矣讀學校志則志敬民成性之心起矣讀舉用志則志賢才之心起矣讀武備志則志安攘之心起矣讀人物志則志文獻之心起矣讀外志則志排異端之心起矣外外而親內矣斯志也足以排異端尊常道而政治普於一邑矣雖擴之省郡行之天下可也而廓齋子之所嘗試於撫邕二州者也其信吾言之不誣也乎豈但序志已哉

邑人曾汝檀

誌與志通生於心者也以識往迹而垂將來非由心不可鑒別用明生於虛靈紀載用實生於誠一匪明匪誠匪人道焉無所用志矣故在國有史在郡邑有志內外史之風在而職方氏之教遺也茲地八閩有省志清漳有郡志蓋其槩之也縣職其詳志典猶缺人少之予則以天之分野體廣

省郡之志舉之矣可略也在地里一邑有一邑之封域疆理既宜分析復混八十年來文獻弗徵幾於湮矣山川環於境內品題未經而營建垂成興廢已半不紀將於奚取徵是故志不可缺也彼制邑將以立官設官凡以爲民官之賢否風俗之燮惡係之而下之所給卽上之所資故物產之聚戶賦所由充也生息消長之相仍屢矣有生則有性而學校以基有教則有術而禮儀以衍有人則有用而選舉以成轉移化導之機宜若有司之者是故志不可缺也且安者危之時也雖守在人心而城郭甲兵以爲衛亦安民所急善人國之紀也其樹之風聲則禮義廉恥以爲維政教終焉若迺別教挺精游氣呈異存之外集備參考爾是故志不可缺也而志之自來非由心其孰尸之志既往之心以傳方來之心非今日志之之心乎余有此志久矣自壯宦遊中外桑梓少留丁未改南寧得便歸適常熟朱君召以蘇名士棲枳於浦視篆吾平纔歲周留心政體一介不移庶務

漳平縣志

卷首

舊序

四

福州許進記印刷所承印

叙興而迺心逮此蓋朱君凡務皆受成於郡侯玉田盧公茲假筆於迂踈成者之心卽志者之心夫非自外來也所歎虛中未融而幾先未炳惟事由中應而言皆核真觀風採遺按集而稽可也若增美重光將必有爲斯邑重者書言能盡之哉昔有事斯集太學生陳茂楠庠生黃誥朱經濟皆志於遠者云

盱眙盧璧

吾未入漳時有言漳浦朱簿之賢者曰滄海遺珠也吾以爲此必能文之士爾既至則見其不華不俚不激不懦辦理精敏承委輒效人之所愛彼獨畏之人之所難彼獨易之漳浦之人欲之而不可得漳平之民惟恐其或去乃歎曰此循良吏也其隱于朝市者乎署漳平篆前後甚久一日以所修志虛其端而請予序予因循未之許蓋恐其名實未孚乃汲汲於稽古禮文之事予又從而張之不知者必謂郡守於簿真有所私耳邇者巡

臺雙渠金公移檄特獎之曰以文學飾吏治以古道制時宜風操有冰檠之聲牧養有父母之實科目之遺才縣佐之巨擘也蓋縣佐而與於此者獨一朱簿焉耳召真循良哉茲志之作乃其政平訟理之緒餘非徒加災于金木已也志之輯且成召難於再請茲忽聞其有部運之役予亦自恐行當別去遂書此以成其美云嘉靖二十七年戊申歲仲秋朔日賜進士出身中順大夫知漳州府事盱眙山人盧璧書

澗水查繼純

郡邑之志古列國之史也蓋封建之制行國自爲史迄秦罷侯置守令於是史專職於朝廷而郡邑之志遂多闕焉不修廢焉勿舉者顧史宏而該志詳而核不有志之詳核將史之宏該於何徵信此志所以爲史之權輿而邑志又爲省郡諸志之權輿也寧責在修舉者可任其闕廢乎漳平有志昉於署邑朱公而鄉先生曾廓翁手成之時歲在嘉靖戊申嗣後終明

漳平縣志

卷首

舊序

五

福州許進記印刷所承印

代莫爲踵事者我

皇清鼎定治教聿新今

上重光纘緒稽古右文卽位之初亟

命儒臣纂修

祖宗實錄復以續成明史爲諄諄近奉

新綸又有一統志之役薄海內外莫不受成於

聖天子觀文之化矣予幸得際其盛猥以謏材承乏漳平履任以來思報稱無能日進諸人士詢其地宜民隱首以徵修邑志爲務顧兵燹之後舊籍無存遲之既久始於村落中購獲曾志鼠殘蠹蝕之餘漫不可讀乃集邑中諸文學謀必欲從事焉因得蔣生振芳楊生新日張生喆李生象榮碩相與旁搜博採以成之而校讐則有孝廉林君每就一編予亦時爲析是非商可否閱兩匝月脫藁予諦觀之而見夫山川風物之詳解宇城遺

之備歷官姓氏之畢書供賦版圖之具列與夫慶則有禮威則有兵鉅而人文並著細而雜事不遺舉足以資考鏡垂勸懲雖於國史之權輿未敢妄擬然屬筆省郡志者或有採焉將有美必彰無微可略是固下邑之光也若謂斯志不終於闕廢責在修舉者有微力焉斯則歸之諸人士沐浴聖天子觀文之化而豈百里宰所敢居哉時康熙二十二年歲在癸亥端陽日文林郎知漳平縣事泐水查繼純謹叙

淮陰楊于蕃

甲子之夏余叨牧漳平甫下車詢民間疾苦及興革所宜時延見諸人士以襄所不逮居久之適蔣楊二生以所纂邑志相質且曰是舉出前尹查公所董成業授梓矣公尋解組百里之行遂半九十也浮圖合尖於公願望焉余欣然曰是吾事也蓋邑乘所在官理以之分得失土風以之辨淳漓而且人文之盛衰世道之隆替胥於是乎徵匪細故也平雖蕞爾一隅

漳平縣志

卷首

舊序

六

福州許進記印刷所承印

天下之大視此矣治天下者家天下治一邑者家一邑彼爲一家之長者事無鉅細既皆殫精勞思以理之尤亟於簿籍是司余忝一邑之長邑事何非吾事而況載籍之居要者乎抑又因之有感矣攷平之爲邑形勝跨漳水上流文教承布衣遺澤故其靈氣所鬱萃風化所涵濡雖尙蓋而未舒然道學科名代有其人是亦昭蘇之勾萌而浩蕩之濫觴也鼎革以來山海交訌城遭數破田廬荒墜煙井蕭條前人固嘗勞來還定之而稍有起色矣乃痼疾沉疴洵非一已所能頓復其元氣也今

上威德遠屆海隅率俾道德大同車書無外余以涼菲待罪於茲不克上宣

聖天子德意下阜百姓財求使官理咸得土風返淳以觀人文之盛臻世道之隆也其爲慙負何可勝言猶幸斯志遺我以善治之方而足供採擇備調劑以少瘳殘黎信乎蘇長公之言曰藥雖進於醫手方多傳于古人

若已經效於世間不必皆從于已出吾樂襄斯志之成亦庶幾此意耳苟美是舉者以爲頰之添乎吾固無庸矜其美卽媿是舉者以爲尾之續乎吾亦無所掩其媿總事爲吾事吾惟爲所當爲則凡爲吾之前而任其勞爲吾之後而受其逸者皆於吾無或間也吾何容心焉康熙乙丑仲夏知縣事淮陰楊子蕃題

儒學教諭舉人吳名世

典史沈惠

舉人陳琬

林藍采 校閱

原任海澄訓導蔣宰桓

庠生陳文瑜

蔣之然 校梓

漳平縣志

卷首

舊序

七

福州許維記印刷所承印

修志各姓氏

主修知漳平縣事蔡世鉞

合纂教諭林得震

分纂訓導彭萬青

舉人陳雲升

劉光宗

分校拔貢嚴萬選

陳標章

副貢陳豹文

廩生盧文藻

陳梓

增生鄭廷璋

附生鄧九齡

對在局校廩生李際會

鄧國泰

陳光正

增生李應時

附生陳朝銓

鄭苑培

採訪貢生陳士璜

黃裳

廩生劉虹玉

黃文僖

增生陳惟

漳平縣志

卷首

姓氏

八

福州書畫社印廟所承印

附生劉錫齡

張大啟

鄧國元

鄭登雲

陳必盛

陳騰雲

蔣青選

黃清華

陳國珍

黃庭梅

督梓監生徐廷吉

漳平縣志目錄

縣圖四帙附新圖 舊序 五

第一卷

輿地志

分野

肇建

疆里附市

山川

形勝附八景

風俗附節序氣候

物產

第二卷

規制志

城池

公署附舖館

學校

書院附社

壇廟

坊表

陂圳

橋渡

恤政附墳墓

寺院附塔閣

第三卷

漳平縣志

卷首 目錄

九

福州許進記印刷所承印

賦役志

戶口

田賦隨地丁正雜實徵並存畱解司及隨徵耗羨總額悉核奏銷備載

雜稅

徭役

鹽課

第四卷

典禮志

釋奠

壇祭

祠祭

禮儀慶賀

迎春

鄉飲

第五卷

兵防志

機兵

弓兵

保甲

險隘

防汎

教場

第六卷

秩官志

知縣

主簿

典史

教諭

訓導

駐防

第七卷

選舉志

薦辟

科目

貢士

監生附捐職

椽吏

武科附武職

貶恩

第八卷

人物志

名宦

寓賢

理學

儒林

名臣闕

循吏

忠節

孝友

義烈

文苑

隱逸

義行附壽民鄉實

漳平縣志

卷首

目錄

十

福州許進記印刷所承印

節孝

貞烈附壽婦

仙釋

第九卷

藝文志

卷上

疏

傳

書後

序

論

記上

卷下

記下

碑

啟

引

文

詩

賦

銘

第十卷

雜志

災祥

寇變

記異

畚客

按曾志分十二類詳見湛序常熟朱君所刻是也淵水查君得曾志舊本增修並爲九卷乾隆四十六年十二月金臺陳君彙義奉檄重刻不過就違礙之處校勘刪除無所增改今從舊志目錄增選舉志爲十卷移名宦傳入人物志以合體例

漳平縣志

卷首

目錄

十一

福州許進記印刷所承印

漳平縣圖

漳平縣志


縣境圖

卷首

縣圖

華口

龍溪界



漳平縣志

卷首

縣圖

學署圖

